

կեալ առն թէ Զերկոսին ևս սպանէ . և տարեալ զհո-  
ռոմն յիւր սահմանն որ Ղարաման և Եէտիղուլայ՝ կա-  
խեցին, և զբողաւագան եղեալ յէշ անցուցանէին խաչ-  
տառակ ընդ քաղաքս ամենայն :

ԻՌ-իս (Պէկ.) օր Շաբաթ : Սինհոզոս եւ ժողով  
արարեալ ի Սուրբ Նիկողայոս վասն Երուսաղէմայ,  
շատ խօսք և զրուց եղեալ զորձակալութեամբ Մար-  
տիրոս վարդապետին կաֆայեցոյ՝ աշակերտին Աս-  
տուածատրոյ վարդապետին, զի նստեալ Աստուածա-  
տուր վարդապետն ի քաղաքն (պարսպ) եւ առաքեալ  
զաշակերտն, զի եկեալ ի քաղաքս ընդ մեծամեծս  
տեսցէ բան ինչ : Եւ օրս վերջ խօսիցս եղև, որ ա-  
սացին մարդ առաքել ի Պուրսայ, բերել զԵղիազար  
վարդապետն զի ընդ նմա տեսցեն . և կրկին եղև վէր  
Մուղնեցոյն վասն այսմ :

ԻՊ օր Բշի . տօն Դաւթայ և Յակոբայ :

Եշի օր (27 Պէկ.) եկն այր մի թղթիւք Պիթլի  
Ահմէտէն թէ Պարիշեցուցի զՍէյտին հետ Հալպայ եւ  
փաշային . սոյնպէս և թուղթ մի ի Սէյտիէն թէ Սա  
իմ սիրելին էր եւ զիս յոյժ զիջոյց, սորա մանսուպ  
մի տվէք քան զիմն գերագոյն . և թղթիցս բերողին  
կապայ ազուցին, և հտուն մանսուպ Պիթլիին՝ զՔեօ-  
թահիայ և Սէյտիին՝ զՍեւաստիայ :

ԻԹ-իս Շաբաթ օր բարեկենդան : Երեկոյիս մօտ  
ի Չարտախլի համամն երոցք եղև, մեծ տուն մի այ-  
րեցաւ և փոյթ մարեցին բռնակալք : Եւ յետ հասա-  
րակել զիշերոյս մեռաւ մայր հօր մերում և գնացաք  
առ ի ձայնել զԱռաջնորդն ի պաշտօն ննջեցելոյն ի  
Հրեշտակապետ, եւ ոչ եկն : Եւ առաւօտին տարաք  
ի ժամ զննջեցեալն եւ կայր անդ (Թաղէոս<sup>1)</sup>) վարդա-

1) Թաթէոս .